

LETTRE DE  
MONSEIGNEUR  
L'ILLVSTRISS. CARD.  
DV PERRON.


*Enuoyee à Monsieur Casaubon  
estant en Angleterre.*

A ROVEN.

*Touxte la coppie imprimée à Paris.*

---

M. DC. XII.





**M**ONSIEVR,

LA lettre que vous consignastes à Monsieur de la Boderie me fut rendue par luy, sur le point que ie partoys pour faire vn voyage en Normandie, depuis le retour duquel i'ay tousiours esté malade, ce qui m'a empesché d'y respondre plus promptement, maintenant que mon mal commence à me dōner quelque trefve, ie payeray les arrerages de ceste attente, & vous remercieray en premier lieu de l'office que vous m'avez faict demonstrier celle que ie vous auois escripte au Serenissime Roy de la grande Bretaigne, & de me procurer quelque part en ses bonnes graces, i'essayeray de la cultiuier tellement par tres-humbles seruices, & particulièrement par la celebration de ses loüanges, qui est le seul fruit que les bōs & vertueux Roys comme luy recueillent de tāt de peines & d'espines que leur apporte le soin de la Royauté, que sa Maiesté ne deura

A ij

point auoit de regret, que la posterité  
 sache qu'elle m'a honoré de sa bien veil-  
 lance, & que j'ay eu ses vertus en reue-  
 rence & en admiration. Quant à la ver-  
 sion des vers de Virgile dont vous m'es-  
 criuez qu'elle desiroit auoir vn exem-  
 plaire, celuy que ie vous enuoyois ayât  
 esté perdu, ie differay encores quelques  
 iours à m'acquiter de ce deuoir, à cause  
 que ie les ay remis sur la presse, avec l'a-  
 dition d'une partie du Quatriesme, que  
 j'y ay adioustée expres pour l'amour de  
 sa Majesté, afin de luy faire le present  
 plus-ample, si tost que peu de Coppies  
 que l'on en tire seront acheuées, ie ne  
 failleray de vous en adresser vne, pour  
 la luy offrir de ma part, reste le troisi-  
 eme point de vostre lettre, qui est que sa  
 Majesté s'estoit estonnée de ces mots de  
 la mienne, qu'excepté le seul tiltre de  
 Catholique, ie ne trouuois rien à desi-  
 rer en elle, pour exprimer l'Effigie d'un  
 Prince parfait & accomply, & pre-  
 tendoit que croyant toutes les choses  
 que les anciens auoient vnanimement  
 estimées necessaires à salut, le tiltre de  
 Catholique ne luy pouoit estre des-  
 nié: or comme d'un costé, ie ne puis si-



non louer grandement la pieté & humilité Chrestienne de sa Majesté, de ne desdaigner soubmettre son iugement orné de tant de lumieres naturelles & acquises à celuy de ces clairs flambeaux de l'Antiquité, & imiter en cela la prudence de ce grand Theodose Empereur, qui pensoit qu'il n'y auoit point de meilleur expedient pour accommoder les dissentions qui agitoient l'Eglise de son temps que d'exiger de chacune des parties s'ils ne croioient pas que les Peres qui auoient fleury en l'Eglise auant leur diuorce eussent esté orthodoxes, ceste confession obtenué les sommet de se soubmettre à ce qui se trouueroit auoir esté creu par eux, aussi d'autre costé y a-il plusieurs obseruations à faire sur ceste These deuant que de passer à l'hypothese, lesquelles ne pouuant représenter à sa Majesté, ie seray bien-aisé de vous en informer par vostre esclarcissement particulier. La premiere est que le nom de Catholique, n'est pas vn nom de simple creance, mais de communion, autrement les anciens n'eussent pas refusé ce tiltre à ceux qui estoient separez non de la creâce, mais de la cômunion de l'E-

*Socr. hist.  
Ecccl. li. 5.  
Cap. 10.*

Cap. 7.

glise & n'eussent pas protesté que hors de l'Eglise Catholique on pouuoit bien auoir la Foy & les Sacremens, mais non pas le Salut. Hors de l'Eglise Catholique, dit S. Augustin au traicté de la Conference avec Emeritus, *un homme peut auoir toutes les choses excepté le Salut, il peut auoir les Ordres, il peut auoir les Sacremens, peut chanter A L L E L V Y A, peut respondre A M E N, il peut tenir l'Euangile, peut auoir & prescher la FOY, au nom du P E R E, du F I L S, & du S. E S P R I T, mais il ne peut nulle part trouuer le Salut, sinon en l'Eglise Catholique: Et au Liure de l'Vtilité de la Creance, Il y a une Eglise, comme tous le concedent, si vous iettez la veüe sur l'estendue de l'Vniuers plus-ample en multitude que toutes les autres, & cōme ceux qui s'y cognoissent plus sincere en la doctrine de la verité, mais de la verité, c'est une autre question, ce qui suffist pour ceste recherche, c'est qu'il y a une Eglise Catholique à qui les autres heresies imposent diuers noms, au lieu qu'elles sont nommées chacune de leurs noms particuliers qu'elles n'osent des-aduouer, dont il appert au iugement d'arbitres non preoccupés de faueur, à qui le nom de Catholique, duquel elles sont toutes ambitieuses, doit estre attribué, Et au Liure contre l'Epistre Fondamentale, afin dont*

Cap. 4.

que i'obmette ceste sapience laquelle vous n'y  
 iez estre en l'Eglise Catholique, il y a beaucoup  
 d'autres choses qui maintiennent tres iustement  
 en son giron, le consentement des peuples &  
 des nations m'y retient, l'autorité commencée  
 par miracles, nourrie par esperance, augmentée  
 par charité, confirmée par antiquité m'y retient,  
 la succession des Prelats iusques icy depuis le sie-  
 ge mesme de Pierre, à qui le Seigneur consigna  
 ses oüilles à paistre apres sa Resurrection ius-  
 ques à present Episcopat m'y retient, & fina-  
 lement ce nom mesme de Catholique m'y retienr,  
 lequel non sans cause ceste Eglise seule entre  
 tant d'heresies a tellement obtenu, qu'encores  
 que tous les heretiques veulent estre appelez  
 Catholiques, neantmoins quand un estranger  
 demande ou s'assemble l'Eglise Catholique, il  
 n'y a un seul heretique qui ose monstrier son  
 Temple, ny sa maison. Et au traicté de la foy Cap. 10.  
 & du Symbole, Nous croyõs la sainte Eglise,  
 & celle la Catholique, car les heretiques,  
 & les schismatiques appellent leurs congre-  
 gation Eglises: mais les heretiques croians de  
 Dieu choses fausses violent la foy, & les schis-  
 matiques par diuisions iniustes se separent de la  
 charité fraternele, encores qu'ils croient les  
 mesmes choses que nous croyons, & pource ny  
 l'heretique n'appartient à l'Eglise Catholique



pource qu'elle ayme Dieu, ny le schismatique,  
 pource qu'elle aime son prochain. Et au liure  
 de l'Vnité de l'Eglise. Tous ceux qui croiēt  
 comme il a esté dit, que le Seigneur Iesus est ve-  
 nu en chair, & Resuscité en la mesme chair en  
 laquelle il est né & a souffert, & qu'il est le Fils  
 de Dieu avec Dieu, & un avec le Pere, & le  
 seul Verbe immuable du Pere, par lequel toutes  
 choses ont esté faiçtes, mais toutesfois dissentiēt  
 tellement de son corps, qui est l'Eglise, que leur  
 communion n'est pas avec le tout, ou qu'il s'es-  
 pande, mais se trouue en quelque part separée,  
 il est manifeste qu'ils ne sont pas en l'Eglise Ca-  
 tholique. Et Prosper son disciple. Celuy-  
 dit-il, qui communique à ceste Eglise gene-  
 rale est Chrestien & Catholique, & celuy  
 qui n'y communique point est Heretique &  
 Antechrist: Et pour ce voyons nous que  
 les anciens n'oyent aux Donatistes le  
 tiltre de Catholique, à cause de la sepa-  
 ration de la communion, & le conce-  
 doient à ceux, dont les Donatistes a-  
 uoient pris leur doctrine, à cause de l'v-  
 nité de la communion. Et le peuple de S.  
 Cyprian, dit S. Pacian, n'a iamais esté nou-  
 mé autrement que Catholique. Et S. Vincent  
 de Derius: O admirable conuersion, les Au-  
 theurs d'une mesme opinion sont iugez Catho-  
 liques.

De prad.  
 & promis,  
 Cap. 5.

Ad Sym-  
 pr. ep. 11.

Cap. 12.



liques, & les Sectateurs heretiques, Et S. Augustin : la dissension, dit-il, & la diuision vous faict heretiques, & la paix, & l'unité fait les Catholiques. Et ce qu'au quatriesme Concile de Carthage, cest article fust inseré en l'examen de la promotion des Euesques, s'ils ne croyoiēt pas que hors de l'Eglise Catholique nul ne pouuoit estre sauué: Et ce qu'en l'Epistre du Concile de Cyrthe, il fut repeté par S. Augustin, qui en estoit le secretaire en ces mots: *Quiconque est separé de ceste Eglise Catholique; quelque loüable vie qu'il estime exercer par ce seul crime qu'il est separé de l'unité de Christ, il n'aura point la vie, mais l'ire de Dieu demeure sur luy.* Et depuis par Fulgence en ceux-cy. *Tiens tres-fermement, & ne doute en nulle sorte que nul heretique ou schismatique baptisé au nom du Pere, & du Fils, & du S. Esprit, s'il ne se reünit à l'Eglise Catholique, quelques aumosnes qu'il puisse faire, quant mesme il espädroit son sang pour le nom de Christ, ne peut en sorte quelconque estre sauué: Ce fust contre ou principalement contre les Donatistes, & neâtmoins les Donatistes cōuenoient en toute la doctrine du Symbole & de l'Escriture avec les Catholiques, Vous estes avec nous,*

*Contra  
literam  
Petil. lib.  
II. Cap.  
xcv.*

*Epist.  
CLII.*

*De fide  
Cath. ad  
Petr. cap.  
39.*

- dit S. Augustin, au Baptisme, au Symbole  
*Epist. 48.* & tous les autres Sacrements du Seigneur,  
 mais en l'esprit d'unité au lieu de Paix, & fi-  
 nalement en l'Eglise Catholique, vous n'estes  
 point avec nous. Et ne differoient qu'en  
 vn seul point de tradition non escripte,  
*Cap. xix.* & que S. Augustin luy-mesme le prin-  
 cipal triomphateur de ceste heresie,  
 confesse ne pouuoir estre demonstré  
 par l'Escripture. Cela, dit-il, au liure de  
 l'Unité de l'Eglise, ny toy, ny moy ne le li-  
*Cap. 23.* sons euidentement. Et au premier liure con-  
 tre Cresconius, Combien qu'il ne se trouue  
 point d'exemple de cela es saintes Escriptures,  
 toutesfois nous suiuous mesme en cela la verité  
 des Escriptures, quand nous faisons, ce qu'il a  
 pleu à l'Eglise vniuerselle, laquelle l'autorité  
 des mesmes Escriptures recommande. Et au II.  
*Cap. 4.* Liure du Baptisme contre les Donati-  
 stes, & nous mesmes, dit-il, n'oserions affer-  
 mer rien de tel si nous n'estiōs appuyez de l'au-  
*Cap. 23.* thorité tres-unanime de l'Eglise, Et au 5. les  
 Apostres n'ont rien prescript de cela, mais ce-  
 ste coustume qui estoit opposée à Cypriā, se doit  
 croire auoir pris origine de leur tradition, com-  
 me il y a plusieurs choses que l'Eglise vniuersel-  
 le observe, & pour ceste cause sont à bon droit  
 creuës auoir esté commandées par les Apostres

encores qu'elles ne se trouvent point escriptes. Dont resulte qu'il ne suffit pas pour obtenir le nom de Catholique, de tenir, ou plustost penser tenir la mesme creance que tenoient les anciens, si on ne cōmunique à la mesme Eglise Catholique, à laquelle communiquoient les anciens, & qui par succession de personnes & comme nous pretendons, de doctrine est paruenue iusques à nous, & si elle a perdu quelque chose de son estēduē en nostre hemisphere, en recoure autant & plus tous les iours en l'hemisphere inferieur, afin qu'en elle acheuēt de s'accomplir ces Propheties, *En ta semence seront benies toutes les nations de la terre. Aux derniers iours la Montaigne de la maison du Seigneur sera en la cime des montaignes, & sera esleuē par dessus les collines, & toutes les nations arriueront, il faut que cest Euangile du Royaume soit presché par tout l'univers & puis viendra la fin, & autres semblables du droict desquelles l'Eglise, comme dit S. Augustin, a obtenu le tiltre, & la marque de Catholique: La seconde obseruation est sur la restriction au cas necessaires à salut. Car outre les points necessaires à salut, il y a encores*

*Gen. 12.*

*& 26.*

*Esd. 11.*

*Mat. 24.*

*De unitate Ecclesie cap. 2. & 3. & alibi.*



deux autres degrez de choses, les vnes vtilles à salut, comme selon vos ministres mesmes, vendre tout son bien, & le donner aux pauvres, ieusner en affliction pour appaiser l'ire de Dieu, prier nos confreres en la Foy de prier Dieu pour nous; & les autres licites & non repugnantes à salut comme fuir durant la persecution, viure de l'Autel, en seruant l'Autel, repudier sa femme pour adultere, & autres semblables, car ie n'allegue celles-là que pour exemples, & non pour instances.

Orest-il besoin pour se conformer à l'integrité de la creance des anciens, de croire toutes les choses qu'ils ont creües chacunes selon le degré, auquel ils les ont creües, assauoir de croire pour choses necessaires à salut, celles qu'ils ont reputées necessaires à salut, & pour choses vtilles à Salut, celles qu'ils ont estimées vtilles à Salut, & pour choses licites, & non repugnantes à Salut, & sous ombre que les deux dernieres classes ne sont pas des choses necessaires à salut, mais seulement vtilles ou licites ne les condamner pas, & ne se separer pas à leur occasion de l'Eglise qui



les pratiquoit lors, & les pratique encores: maintenant la troisieme obseruation est sur l'ambiguité du mot necessaire à salut, lequel à cause de diuerses especes de necessité qui ont lieu aux choses de la Religion, reçoit diuerses acceptions. Car il y a necessité absolue, & necessité conditionnée, necessité de moyen, & necessité de precepte, necessité de creance speciale, & necessité de creance generale, necessité d'acte, & necessité d'approbation. L'appelle necessité absolue non simplement, mais (en vertu de l'institution de Dieu) celle qui ne reçoit aucune excuse d'impossibilité, ni aucune exception de lieu, de temps, & de personnes, comme pour le regard de ceux qui sont en aage de connoissance, la creance en Christ mediateur de Dieu, & des hommes, car ny la circonstance d'estre en lieu, où l'on ne puisse estre instruit, ny la condition d'estre personne ignorante, & non sçauante, grossiere, & non subtile, ouïaille & non pasteur, ne peut guarentir de damnatiō ceux qui ne le croient point actuellement, d'autāt que qui ne croit point au Fils ynique de Dieu est des-ja

iugé, & pour le regard des petits enfans, le Baptesme par lequel seul, selon nous le defaut de la Foy en Christ leur peut estre supplée, suiuant ceste sentence de S. Augustin, *ne veuille point croire, ne veuille point dire, ne veuille point enseigner que les petits enfans preuenus de mort auant que d'estre baptisez puissent paruenir à la remission des pechez originels si tu veux estre Catholique*, & de ceste sorte de necessité les exemples sont en petit nombre. I'appelle necessité conditionnée celle qui n'oblige qu'en cas de possibilité, & reçoit exemption de lieu, de temps & de persônes, & celle-là derechef a plusieurs branches. Car premierement pour le regard de la Foy, il y a beaucoup de poincts, qu'il est necessaire de croire à vn homme qui est en lieu où il peut estre instruit, ou qui a le temps de s'en pouuoir informer, qui ne sont pas necessaires à vn homme qui est en vn desert, où si pressé de l'instance de la mort, qui n'a pas le loisir d'en receuoir instruction, comme que Christ est né d'une Vierge, qu'il a esté crucifié soubs Ponce Pilate, qu'il est resuscité au troisieme iour, & beaucoup de choses sont necessaires

d'estre creuës & tenuës pour poinct de Foy, ou par le corps del'Eglise en general, ou par l'ordre des Ministres ou Pasteurs qui sont les yeux de l'Eglise, qui n'est pas necessaire à chasque particulier de cognoistre & tenir pour poinct de Foy, comme que les personnes de la Trinité sont mesmes en essence & distinctes en substance, que le Pere a engendré le Fils necessairement, & non librement, que ce sont les personnes diuines qui produisent, & sont produictes, & non l'essence qui ne produit, n'y n'est produicte : que les œuvres de la Trinité au dehors sont indiuisées, que la seule personne du Fils est incarnée, & non aucunes des autres, Qu'en Christ, il y a deux substances, & vne subsistence, que la diuinité ne luy a point tenu lieu d'ame, mais que oultre le Corps, & la Diuinité, il y a eu vne ame sensible & raisonnable, que ce qu'il a vne fois pris en Vnion hypostatique, il ne l'a point abandonné, que le Diable a esté crée bon, & s'est rendu mauuais par la liberté de sa volonté, & autres semblables. Et pour le regard de l'action, il y a plusieurs choses necessaires en cas de



possibilité, & selõ l'oportunité des lieux, des temps, & des personnes qui ne sont pas necessaires absolument, & quand la commodité de les accomplir manque comme l'assistance aux Synaxes Ecclesiastiques, la participation aétuelle de l'Eucharistie, & plusieurs sont necessaires aux vns comme la Mission & l'imposition des mains aux Pasteurs de l'Eglise, & le mariage à ceux qui veulent auoir lignée qui ne sont pas necessaires aux autres. Et bref autres choses sont necessaires pour obtenir le salut, & autres pour l'obtenir plus facilement, autres pour l'obtenir à soy, & autres pour le procurer, & moyenner à autrui autres pour la constitution de l'Eglise, & autres pour l'edification, & propagation plus ample de l'Eglise, autres pour le simple estre de la Religio Chrestienne, & autres pour le mieux estre, c'est a dire pour la bien-seance, dignité & splendeur de la Religion Chrestienne, I'appelle necessité de moyen celle qui est de la part des choses, comme celle des Sacremens ausquels Dieu a concedé pouuoir de conferer quelque grace & operation reelle à salut, celle des cõ-

mande



mandemens de la Loy Morale dont la necessité nous est imposée par l'ordre de la nature, celle de se repentir de ses pechez, qui est vn moyen necessaire pour en obtenir la remission. I'appelle necessité de precepte, celle qui vient seulement de la part du commandement, comme la celebration du premier iour de la sepmaine en memoire de celuy auquel nostre Seigneur resuscita, que nous appellons à ceste occasion le Dimanche, c'est à dire le iour du Seigneur, & autres semblables observations desquelles l'obmission n'empesche le salut, sinon de la part de la des-obeissance & infraction du commandement. I'appelle necessité de creance speciale, celle des poincts que tous les fidelles n'ont preuenus de mort, sont obligez de croire de Foy expresse distincte & determinée que les Scholastiques appellent Foy expliquée, comme les douzes articles du Symbole. I'appelle necessité de creance generale, celle des choses que chasque particulier n'est pas obligé de croire de Foy distincte & expliquée, comme la doctrine du peché originel, l'article des deux volonteés en

Christ, l'article que le S. Esprit procede du Pere & du Fils, la creance que le Baptisme donné hors de l'Eglise, pourueu qu'en la forme de l'Eglise, est vray Baptisme, & qu'il ne faut point Baptiser les heretiques qui l'ont receu, Quand ils reuiennent à l'Eglise & autres semblables que les simples fideles ne sont pas obligez de croire de Foy distincte & expliquée, mais suffit qu'il les croye generalemēt en la Foy de l'Eglise, c'est à dire, qu'ils adherent à l'Eglise qui les croit, de la Foy de laquelle ils viuent pendant qu'ils demeurent en sa communion, tout ainsi que les enfans viuent de l'aliment de la mere pendant qu'ils sont dans ses entrailles. l'appelle necessité d'acte, celle des choses que chasque particulier est obligé d'excuter actuellement comme de confesser le nom de Christ, pardonner les offenses receuës, faire restitution du bien d'autrui. l'appelle necessité d'approbation celle des choses que chasque particulier n'est pas obligé d'excuter actuellement, mais bien de n'y contredire point, & ne cōdamner point ceux qui les font, ny l'Eglise qui les approu-

ue, & ne se separer point d'elle à ceste occasion sous peine de se separer de son propre salut, comme l'eslection de viure en virginité, ou en célibat & autres semblables. De toutes lesquelles especes de nécessité les anciens ayans tenues plusieurs choses chacunes selon son degré diuersement necessaires à salut, comme nous ferons voir aux occasions qui se presenteront de les examiner, ce n'est pas se conformer à l'ancienne creance & pratique de l'Eglise Catholique que de tenir les poincts de doctrine ou d'action que les peres ont tenu pour necessaires à salut selon les vnes de ces especes de necessité, & rejeter les autres : Mais il faut pour se rédre conforme à la creance & pratique Catholique tenir pour necessaires à salut toutes les choses que les Peres ont tenues pour necessaires à salut, au degré, & selon les especes de necessité selon lesquelles ils les ont tenues. La quatriesme obseruation est sur le mot, Anciens, lequel quelques vns quād se viēdra à effectuer la promesse de se soubmettre au iugement de l'Antiquité, restreignent au premier ou second siecle,



apres celuy des Apostres non qu'ils esperent trouuer dans cest espace l'Arien qui les fauorise, mais pour ce que l'Eglise estant lors opprimée de persecutions, il nous est resté si peu d'escripts de ceste datte, & encores contre des personnes & sur des matieres pour la plus-part si eslongnées des disputes d'auourd'huy, que la face de l'ancienne doctrine & pratique de l'Eglise ne s'y peut pas voir entierement representée. Or veut l'equité qu'ayant à conferer l'estat des Sectes de ce siecle qui pretendent le tiltre d'Eglise Catholique avec l'Estat de l'Eglise ancienne, nous aduisions de prendre vn temps, auquel non seulemēt nos competeurs soient d'accord avec nous, que l'Eglise des anciēes estoit encore la vraye Eglise, la vraye espouse de Christ, celle en laquelle residoit la legitime autorité de iuger des differents de la religion, mais aussi duquel il nous reste assez de monuments pour nous faire apparoirre de toute sa doctrine & de ses obseruations.

Ce qui ne se peut mieux rencontrer qu'au temps de la tenuē des quatre premiers conciles, c'est à dire depuis l'Em-



pereur Constantin, qui fust le premier  
 Empereur publiquement Chrestien,  
 iusques à l'Empereur Marcian, & me  
 semble que la Majesté mesme la ainsi, &  
 encores plus liberalement accordé en  
 quelques vns de ses escripts, ayant esté-  
 du ceste espace iusques aux cinq pre-  
 miers siecles. Car outre ce que la deli-  
 urance du ioug, & de la seruitude des  
 payens donna lors moyen à l'Eglise de  
 parler plus haut, & d'auoir plus de cō-  
 munication, avec toutes ses parties si-  
 tuées en tant de diuerses Regions de la  
 terre, & de fleurir en vne plus grande  
 multitude de doctes, & excellens escri-  
 uains, ce qui a fait, qu'il nous est resté  
 sans comparaison plus de monumens  
 de ces siecles là, pour y voir l'entiere  
 forme de l'ancienne Religion Chre-  
 stienne, que des precedens: outre cela,  
 dis-ie, nos aduersaires ne peuuent nier,  
 que ceste Eglise là qui allaitra les pre-  
 miers Empereurs Chrestiens, qui ex-  
 termina les Temples, & le seruice des  
 faux dieux, qui exerça le souuerain tri-  
 bunal d'autorité spirituelle en terre  
 par la condánation qu'elle fist des qua-  
 tre plus celebres heresies, aux quatre

*Iſa. 62.*  
54.

*Matt. 16.*  
18.

*1. Tim. 3.*

*De vtilit.*  
*cred. cap.*  
17.

premiers Conciles Oecumeniques, qui furent les quatre premiers comices, & Estats generaux du regne de Christ, ne fust celle de laquelle il auoit esté pedit, quelle seroit allaitée de la mammelle des Roys, que les nations chemineroient en sa lumière, & les Roys en la splendeur de son Orient, que toute machine dressée contre elle seroit destruite, quelle iugeroit toute langue qui luy resisteroit en iugement, que Dieu auoit mis des gardes sur les murailles qui ne se tairoyent ne nuit, ne iour eternellement, que les portes d'enfer ne preuaudroyent point contre elle, que quiconque ne l'auroit point, seroit tenu pour Publicain, & pour Ethnique, & bref qu'elle estoit la colône, & le firmament de verité. Douterons nous, dit S. Augustin, de nous inserer au giron de celle Eglise, qui par la succession des Euesques depuis la seance des Apostres iusques à la confession du genre humain, les heretiques abbaïans en vain à l'entour, & condamnez en partie par le iugement du peuple mesme, en partie par la grauité des conciles, & en partie, par la Manifesté des miracles, a obtenu le comble d'autorité à laquelle ne vouloir pas donner la prefe-

rence, est acte d'une extreme impietè, ou d'une  
 arrogance precipiteuse. Et derechef, l'Egli-  
 se Catholique combattant contre toutes les he-  
 resies peust estre impugnèe, mais elle ne peust, *De Symb.*  
 estre expugnèe, toutes les heresies sont sorties *ad Catec.*  
 d'elle comme sermens inutiles retranchez de la *lib. i. ca. 5.*  
 vigne, mais elle demeure en sa racine, en sa  
 vigne, en sa charité. Cela donc sera tenu  
 pour vrayement ancien, & marque du  
 caractere de l'Eglise primitive, qui se  
 trouuera auoir esté creu, & practiqué  
 vniuersellement par les Peres qui vi-  
 uoyent du temps des quatre premiers  
 Conciles, & principalement quand il  
 nous apparoiſtra, que les choses atte-  
 stées par les auteurs de ces siècles là,  
 n'estoyent pas tenues par eux pour do-  
 ctrines ou observations, mais pour do-  
 ctrines ou observations, qui auoient  
 esté perpetuellement practiquées en  
 l'Eglise depuis le siècle des Apostres:  
 encore que possible, il ne se trouue pas  
 de chacune d'elles en particulier, des  
 témoignages si expres dans les siècles  
 precedens comme dans ceux des qua-  
 tre premiers Conciles, à cause du peu  
 d'escript que la persecution de ces sie-  
 cles-là, a laissé paruenir iusques à nous.

Car il suffit pour nous asseurer du perpetuel vsage de telles choses que les Peres du tēps des Quatres premiers Conciles qui auoient plus de cognoissance des siecles qui les auoient precedez, que nous, nous tesmoignent les auoir creuës & practiquées, non cōme choses instituées de leur siecle, mais comme choses qui auoient eu lieu de tout temps en l'Eglise, & estoient venuës par vne continuelle suite d'observation depuis les Apostres iusques à eux, & qu'il ne se trouue dans les auteurs des siecles precedens aucun tesmoignage repugnant, ains au contraire par tout ou l'occurrence d'en parler le presente, tesmoignages conformes & fauorables. C'est à dire en somme cela sera tenu par nous iustemēt pour ancien, puis que ceux que nous tenōs pour anciens auront tenu eux-mesme pour ancien.

La cinquiesme obseruation est sur l'unanimité de la creance des Peres, laquelle quelques esprits contentieux veulent seulement auoir lieu lors qu'une mesme chose se trouue actuellemēt dans les escripts de tous les Peres, qui

est



est vne iniuste & impertinente preten-  
 sion. Car pour faire qu'une doctrine ou  
 vne obseruation ait esté veritablement  
 tenuë par les Peres pour vniuerselle &  
 Catholique, il n'est pas necessaire qu'elle  
 se trouue dans les escripts de tous les  
 Peres qui n'ont pas traité de mesmes  
 matieres, & desquels tous les escripts  
 ne sont pas paruenus iusques à nous,  
 mais il y a deux autres voyes legitimes  
 pour s'en asseurer, l'une lors que les Pe-  
 res plus eminents de chasque region  
 conuiennent en l'affirmatiõ d'une mes-  
 me doctrine ou pratique, & que nul  
 des autres n'ont noté de dissension d'a-  
 uec l'Eglise, ny repugné, comme quãd  
 S. Augustin a cité contre les Pelagiens  
 le tesmoignage de douze Peres emi-  
 nents, & consentans en vne mesme do-  
 ctrine, il pense auoir suffisamment pro-  
 duiët contre-eux la creance de l'Eglise  
 Catholique: Et quand le Concile d'E-  
 phese eust produiët dix Peres des sie-  
 cles precedens, il pensa auoir suffisam-  
 ment exprimé le consentement de l'E-  
 glise anterieure contre la doctrine de  
 Nestorius, pour ce que nul, comme dit  
 S. Vincent de Lerius, ne doutoit que

*Contra  
 Iul. lib. 1.  
 c. 2.*

*Cap. 42.*

ces dix là n'eussent vraiment senti la  
 mesme chose que tous leurs autres cō-  
 freres. L'autre est quand les Peres par-  
 lent non comme Docteurs, mais com-  
 me tesmoins de l'vsage & de la practi-  
 que de l'Eglise de leurs siecles, & di-  
 sent, non ie croy que cela doit estre ain-  
 si creu, ou ainsi entendu, ou ainsi obser-  
 ué, mais l'Eglise depuis vn bout de la  
 terre iusques à l'autre le croit ainsi ou  
 l'observe ainsi. Car alors nous ne te-  
 nons plus ce qu'ils disent comme chose  
 dictée par eux, mais comme chose dictée  
 par toute l'Eglise, & principalement de  
 la condition des choses, comme és ma-  
 tieres de faict, ou a cause de la suffisance  
 des personnes, & en ce cas-là nous n'ar-  
 gumentons plus de leurs paroles pro-  
 bablement, comme nous faisons lors  
 qu'ils parlent en qualité de Docteurs  
 particuliers, mais en argumentons de-  
 monstratiuement. Cela donc demeu-  
 rera vrayemēt vniuersel & Catholique,  
 que les plus eminents des Peres d'utēps  
 des quatre premiers Conciles auront  
 enseigné en diuerses regions de la ter-  
 re, & à quoy nul n'a noté de dissension  
 de l'Eglise, n'aura resisté, ou que les

Peres de ces Conciles là auront tefmoigné auoir esté creu & practiqué par toute l'Eglise de leur siecle, & cela demeurera vrayement ancien & Apostolique, que les Peres de ces siecles l'atfmoigneront auoir esté obserué par toute l'Eglise non cōme chose née de leur siecle, mais comme chose venuë à eux, ou de la succession immemoriable des siecles precedens, ou de la tradition expresse des Apostres. Car ayant esté ces choses la tenues vniuersellement par l'Eglise Catholique au temps des quatre premiers Conciles, elles ne pouuoient auoir eu origine, sinon d'une autorité vniuerselle, d'autant qu'en l'Eglise Catholique s'obseruoit lors si seuerement la reigle mentionnée par Vincent de Lerins, d'opposer l'Vniuersalité à la particularité, vne doctrine ou obseruation ne pouuoit pas d'un principe particulier, s'estre glissée & passée en creance ou coustume vniforme & vniuerselle par toutes les parties de la terre, & principalement sans que les Peres Voisins des siecles de ces innovations vniuerselles, s'en feussent aperceus, ains falloit que tout ce qui



estoit lors vniuersellement obserué en l'Eglise fust venu d'un principe vniuersel. Or n'y auoit-il en ces siecles la selon vos Ministres, que deux principes d'autorité vniuerselle en l'Eglise, à sçauoir ou les Apostres ou les Conciles generaux. Car ils ne veulent pas que le siege Apostolique eust lors aucune autorité vniuerselle, & partant ce qui se trouueroit estre vniuersellemēt & vniformement obserué en l'Eglise par toutes les Prouinces de la Terre, au temps des quatre premiers Conciles vniuersels, & n'auoir point commecé de ce temps-là, mais auoir esté practiqué au parauant, c'est à dire deuant qu'il y eust eu aucun Concile vniuersel en l'Eglise, deuoit estre necessairement de la tradition des Apostres, suiuant ces reigles de S. Augustin, *les choses, dit-il, que nous gardons non par escript, mais par tradition, lesquelles sont obseruées par toute l'estendue de la terre, se donne a entendre estre retenues de la consignation & de l'institution, ou des Apostres mesmes, ou des Conciles vniuersels, desquels l'autorité est tres-salutaire à l'Eglise.* Et ailleurs, *ceste coustume-là, que les hom-*

*Epist. 18.*

*De Bapt  
cont. Don.  
lib. 4. c. 6.*



mes regardants contre-môt ne voioient point  
 auoir esté instituée par les posterieurs, se croit  
 droictement auoir esté instituée par les Apo-  
 stres, & y en a plusieurs telles qu'il seroit long  
 de repeter. Et de rechef, si quelqu'un en ce- *Ib.c.24.*  
 la cerche l'autorité diuine, combien que ce que  
 l'Eglise vniuerselle obserue & n'a point esté  
 institué par les Conciles, mais a tousiours esté  
 retenu, se croit tres-droitement n'auoir esté  
 baillé par tradition sinon d'autorité Aposto-  
 lique, &c. Lesquelles regles de S. Aug. si  
 elles ont lieu aux choses que les Peres  
 du temps des quatre premiers Conciles  
 tesmoignēt auoir esté obseruées en l'E-  
 glise auant les 4. premiers Cōciles, cō-  
 biē plus le doiuent elles auoir aux choses  
 que les mesmes Peres afferment, non  
 en termes equipollens, mais expresse-  
 mēt, auoir esté instituées, & ordonnées  
 par les Apostres, les cinq obseruations  
 donc ainsi faictes sur la these, ie diray  
 pour passer à l'Hypothese, que tant s'en  
 faut, que vos ministres, à la société des-  
 quels la Majesté adhere exterieuremēt,  
 tiennent les mesmes choses que les an-  
 ciens ont creües, & pratiquées comme  
 necessaires à salut, qu'en la Sinaxe ou

Liturgie de l'Eglise, qui est le seau de la communion Ecclesiastique, les quatre Principales choses pour lesquelles ils se sont separez de nous, qui sont la presence réelle du corps de Christ au sacrement, l'oblation du sacrifice de l'Eucharistie, la priere, & oblation pour les morts, & la priere des Saints, les anciens les ont tous yniuersellement, & vniformement creues, tenues, & pratiquées, comme choses necessaires, mais de diuerse sorte de necessité à salut, au moien de quoy si vos ministres se fussent trouuez au temps des anciē, il eust fallu que comme pour ces choses là, ils renoncēt à nos Synaxes, & à nostre Communion, ils eussēt aussi pour les mesmes causes renoncé aux Synaxes, & à la communion des anciens, & par consequent au tiltre, & à la société de l'Eglise Catholique. I'ay dit la presence réelle du Corps de Christ au Sacrement non que ie ne pense passer encores plus outre, & dire la transiſion substātielle du Sacrement au corps de Christ que nous appelons transubstantiation, mais ie me suis contēté de dire la presence réelle pour-

ce que ce n'est pas précisément, & particulièrement sur la transubstantiation du Sacrement, mais sur la presence réelle du Corps de Christ, au Sacrement, qu'est fondé l'importâce, & la necessité de cest article à salut, assauoir la Communion, & vnion substâtielle au Corps de Christ que S. Cyrille appelle le nœud de nostre vnion avec Dieu : n'ice n'est pas particulièrement, & précisément de la transubstantiation, mais de la presence réelle, que despendent les deux inconueniens pour lesquels vos ministres en cest article le separent de nos liturgies, qui sont l'vn l'adoration du Corps de Christ au Sacrement, lequel ils veulent estre cherché, & adoré seulement au Ciel, & l'autre la destruction pretenduë de l'vnité du Corps de Christ pour l'existēce en plusieurs lieux au Sacrement. I'en'ay point parlé non plus de la prerogatiue de l'Eglise Romaine, que tous les anciens ont tenue pour le centre, & la racine de l'vnité Episcopale, & de la Communion Ecclesiastique, d'autant que ie veux croire que vous auez assez feuilléré l'antiquité pour recognoistre que les premiers Pe-



res, Conciles, & Empereurs Chrestiens luy ont perpetuellement deferé la primauté, & intendance supereminante sur toutes les choses Religieuses, & Ecclesiastiques; qui est cela seul que l'Eglise exige comme poinct de Foy de la confession de ceux qui entrent en sa communion, afin de discerner la société de celle des Grecs, & autres complices de leur secte, qui se sont separez depuis quelques siecles du chef visible & ministerieux de l'Eglise. Ces quatre poincts donc qui sont les principales sources de nostre dissension, & desquels estans conuenus il nous sera aisé de nous accorder des autres: ie dy que les Peres du temps des quatre premiers Conciles, les ont tous tenus, & pratiquez comme necessaires à salut, mais selon diuerses sortes de necessité de moyen, au corps de l'Eglise absolument, & à chaque particulier conditionnellement, la priere, & ablation pour les morts, comme necessaire de necessité de moyen à ceux, pour qui elles se font, afin d'auancer par les prieres, & Sacrifices de l'Eglise la deliurance des peines temporelles apres ceste vie à  
ceux



ceux qui ont peché depuis le baptesme, & n'ont pas fait vne penitence qu'il ait plu à Dieu d'accepter entierement, & necessaires de necessité de precepte, & pour exercer la charité & la pieté Chrestienne, & à l'Eglise qui les fait, & aux Ministres & Pasteurs, par qui elle les fait, & la priere des Saints comme necessaire au corps de l'Eglise, & aux Ministres par qui elle les fait de necessité de precepte pour exercer le commerce de l'Eglise militante, & de l'Eglise triomphante.

Et quant aux particuliers, hors de l'office de l'Eglise, & en leurs deuotions priuees non necessaire de necessité d'acte, ains seulement vtile, afin qu'ils obtiennent plus facilement pardon de leurs pechez par le concours des prieres de ceux qui sont desia en la possession parfaite & asseuree de la grace de Dieu, mais necessaire, & à eux & à tous autres de necessité d'approbation, c'est à dire d'obligation de n'y contredire point, & de ne condamner point l'usage & la doctrine de l'Eglise en cest article, & de ne se separer point d'elle à ceste oc-

casion, sur peine de tomber en anathème, & d'estre tenu pour heretique, de toutes lesquelles choses, ie n'entame point la preuue pour ceste heure de peur de faire vn liure d'vne lettte : mais ie m'oblige toutes fois & quantes que vous le desirerez de vous les verifier, & de vous faire voir, & par le consentement vnanime des Peres qui ont fleury au temps des quatre premiers Conciles, & par les formules qui nous sont restées en leurs escripts de l'ancien seruice que l'Eglise Catholique de leurs siecles a vniuersellement & vniformément tenu, creu & practiqué par toutes les Provinces & Regions de la terre ces quatre choses la au mesme sens, & en la mesme forme, & pour la mesme fin de nos Liturgies, & non comme obseruations nées d'alors, mais comme chose que les mesmes Peres attestoient auoir esté creues & practiquees de toute antiquité & estre venues à eux par vne suite non interrompue de la tradition ou approbation des Apostres, au moyen de quoy on ne peut renoncer à la communion de nostre Eglise sous pretexte d'aucuns de ces quatre points sans re-

noncer à la communion de l'ancienne  
Eglise Catholique, & conséquemment  
à l'heritage du salut, & cela par auteurs  
& tesmoignages tous de bon alloi & de  
bonne marque, comme vous sçauéz  
que ie suis curieux de n'employer point  
d'autres, & avec responce claires & in-  
genues à toutes les obiections tirées  
des Peres des mesmes siecles, ou prece-  
dens, chose qui me sera d'autant plus  
facile, que les preuues que nous appor-  
tons des Peres sont preuues qui con-  
tiennent en termes expres l'affirmatiue  
de ce que nous disons, là ou nos aduer-  
saires ne sçaueroient trouuer vn seul pas-  
sage qui contienne en terme expres la  
negatiue, mais seulement en termes,  
dont ils la pretendent inferer par con-  
sequence, & qui en vn iuste tribunal ne  
meriteroient pas seulement d'estre ouys:  
car qui ne sçait que c'est vne trop gran-  
de iniustice d'alleguer des consequen-  
ces de passages, & encor mal interpre-  
tez & entendus, & en l'illation desquels  
il y a tousiours quelque Paralogisme  
caché contre les paroles expresses, & la  
viue & actuelle pratique des mesmes  
Peres, dont ils sont tirez, & que cela est



bon pour prendre les Peres à partie & les accuser de faute de sens ou de memoire, mais non pas pour les prendre pour iuges & se soubmettre à l'obseruation de ce qu'ils ont creu & practiqué. A cela i'adiousteray encores quād vous le desirerez la conformité presente, de toutes les autres Eglises Patriarchales en ces quatre cas avec la Romaine, & de toutes celles qui sont restées iusques auiourd'huy sur leur jurisdiction à sçauoir de celles qui se trouuent sous la jurisdiction Patriarchale du Patriarche de Constantinople, comme les Grecques, Russiennes, Moscouitiques, & Asiatiques de l'Asie mineure séparées de nous, il y a pres de hui& cens ans, de celles qui sont souz le Patriarche d'Antioche comme les Syriennes, Mesopotamiennes & autres encore plus orientales : car celles qui recognoissent ce Patriarche Syrien, comme les Maroniennes perseuerent en la communion de l'Eglise Romaine, de celles qui releuent du Patriarche d'Egypte d'Alexādie, comme les Egyptiēnes naturelles que l'ō appelle Cophthes, & les Æthiopiennes diuisées de nous & des Grec-



ques, il y a plus de vnze cens ans, & dès le temps de l'un des quatre premiers Cōciles assauoir du Concile de Chalcedoine, lesquelles tiēēt tous ces quatre poinçts l'auoir avec plus de ialousie s'il est possible, que les Eglises Latines, & particulièrement l'article du Sacremēt, duquel non seulement elles croient la transubstantiation que les Grecs d'aujourdhuy appellent *μετενώσις*, mais mesmes exercent l'adoration avec des gestes externes plus pleins d'humilité que les nostres, indice manifeste que ces quatre points estoient vniformement tenus, & obseruez par l'ancienne Eglise Catholique, puisque toutes les parties esquelles l'ancienne Eglise Catholique s'est desmembrée les retiennent encor aujourdhuy vniformemēt nonobstant tant de distances, separations, & diuisions par toutes les regiōs de la terre. Voila en general les causes qui m'ont meu d'vser en ma lettre de l'exception que vous m'obieçtēs par la vostre: desquelles si le serenissime Roy de la Grand Bretaigne auoit aussi bien le loisir d'entendre les particularitez,

comme la capacité de les comprendre, ie m'asseure qu'il ne trouueroit point estrange que i'eusse desiré en luy le tiltre de Catholiques, ains le desireroit luy mesme, & se mettroit en Estat de l'obtenir, & de le faire obtenir à ceux qui en sont priuez, c'est a dire adiousteroit encores à ses autres couronnes celles de se rendre mediateur de la recôciliation de l'Eglise, qui luy seroit vne gloire plus triumpicante que celle de tous les Alexandres, & de tous les Cefars, & qui acquerroit vn non moindre honneur à son Isle de l'auoir porté, que d'auoir porté le grand Constantin premier liberateur, & pacificateur de l'Eglise Chrestienne. Ie prie Dieu qu'il comble quelque jour les autres graces qu'il luy a faictes, de celle la, & exauce pour cest effect les prieres de la feu Roynes sa Mere, de laquelle non seulement les larmes, comme celles de la Mere de S. Augustin, mais le sang mesme intercedent au Ciel pour luy, & vous ait, Monsieur, en sa Saincte, & seure garde.

*F I N.*



